

IV. KAFLI

8. gr.

Gjöld skv. gjaldskrá þessari bera 14% virðisaukaskatt nema annars sé getið.

9. gr.

Nú eru leyfð afnot af hitaveitunni til annars en húshitunar, svo sem heypurrkunar eða ræktunar og er þá hitaveitunefnd heimilt að ákveða gjald fyrir þau afnot sérstaklega í hverju tilviki með hliðsjón af gjaldskrá þessari.

Virðisaukaskattur, 24,5 %, innheimtist samkvæmt lögum þar að lútandi.

10. gr.

Öll gjöld skv. gjaldskrá þessari má taka fjárnámi á kostnað gjaldanda.

11. gr.

Hitaveita Húsavíkur hefur rétt til að loka aðrennsli heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun ber að tilkynna með 3 daga fyrirvara.

Allan kostnað við lokun og opnun á ný, greiðir sá sem í vanskilum er, kr. 1 120,00 í hvert skipti.

12. gr.

Eftirlitsmanni Hitaveitu Húsavíkur skal hvenær sem er frjáls aðgangur að öllum hitakerfum, sem tengd eru við hitaveituna. Er húseiganda skylt að hlíta tafarlaust fyrir mælum hans um viðgerðir á bilunum og sérhverjum ráðstöfunum til varnar gegn misnotkun á heita vatninu.

Gjaldskrá þessi staðfestist hér með samkvæmt orkulögum nr. 58, 29. apríl 1967, til að öðlast gildi 1. janúar 1993 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis, nr. 482, 10. október 1991.

Iðnaðarráðuneytið, 23. febrúar 1993.

F. h. r.

Björn Friðfinnsson.

Steinunn Bjarmann.

GJALDSKRÁ

STEFs vegna flutnings tónverka utan útværps.

I. Veitinga- og gistihús.

Undir þennan kafla falla veitinga- og gistihús sem hafa fastan rekstur allan ársins hring eða hluta úr ári.

A. Matsölustaðir án vínveitingaleyfis, þar sem megináhersla er lögð á matsölu og þar sem tónlist er flutt í bakgrunni, skulu greiða sem hér segir:

Staðir með allt að 20 sætum, ársfjórðungslega	kr. 2 500
Staðir með 21–50 sætum, ársfjórðungslega	kr. 4 000
Staðir með 51–100 sætum, ársfjórðungslega	kr. 7 600
Staðir með 101–150 sætum, ársfjórðungslega	kr. 10 100
Staðir með 151–200 sætum, ársfjórðungslega	kr. 12 600
Fyrir hver 100 sæti í viðbót, ársfjórðungslega	kr. 5 000

- B. Matsölustaðir með vínveitingaleyfi, þar sem megináhersla er lögð á matsölu og þar sem tónlist er flutt í bakgrunni, skulu greiða tvöfalt gjald, miðað við flokk A.
- C. Bjórkrár og sambærilegir veitingastaðir, opnir 1–3 daga í viku, þar sem megináhersla er lögð á sölu bjórs og/eda áfengis og þar sem tónlist er flutt, skulu greiða tvöfalt gjald, miðað við flokk A.
- D. Bjórkrár og sambærilegir veitingastaðir, opnir 4–7 daga í viku, þar sem megináhersla er lögð á sölu bjórs og/eda áfengis og þar sem tónlist er flutt, skulu greiða þrefalt gjald, miðað við flokk A.
- E. Dansstaðir, opnir 1-3 daga í viku, þar sem tónlist er flutt, skulu greiða tvöfalt gjald, miðað við flokk A.
- F. Dansstaðir, opnir 4–7 daga í viku, þar sem tónlist er flutt, skulu greiða fjórfalt gjald, miðað við flokk A.

Hótel og aðrir gististaðir, þar sem tónlist er flutt, hvort sem er á gistiherbergjum, í setustofum eða annars staðar, skulu greiða kr. 90 ársfjórðungslega fyrir hvert gistiherbergi. Sé um að ræða veitingar á hóteli eða gististað eða aðra starfsemi, sem fellur undir A–F liði hér að framan, skal að auki greiða fyrir þá starfsemi í samræmi við það sem þar segir.

Séu fluttir söngleikir, revíur eða önnur slík sviðsverk í veitingahúsum skal greitt sérstaklega fyrir það samkvæmt samkomulagi við STEF, fyrir hönd hlutaðeigandi rétthafa.

II. Kvikmynda- og leiksýningar.

Undir þennan kafla falla kvikmyndasýningar, leiksýningar og aðrar sambærilegar sýningar þar sem tónlist er flutt.

Af aðgangseyri að kvikmyndasýningum (að meðtöldum öllum sköttum og opinberum gjöldum) skal greiða 1%. Lágmarksgjald, sem kvikmyndahús skulu greiða, hvort sem um er að ræða fastan rekstur eða ekki, skal vera kr. 50 á hvert sæti eða kr. 5 000 á ári.

Af aðgangseyri að leiksýningum (að meðtöldum öllum sköttum og opinberum gjöldum) skal greiða 0,25–1%, eftir því hversu mikil tónlist er flutt í hlutaðeigandi leikverki. Lágmarksgjald, sem leikhús skulu greiða, hvort sem um er að ræða fastan rekstur eða ekki, skal vera kr. 50 hvert sæti eða kr. 5 000 ári.

Séu fluttar óperur, óperettur, söngleikir, revíur eða ballettar skal greitt fyrir það samkvæmt samkomulagi við STEF, fyrir hönd hlutaðeigandi rétthafa.

III. Tónleika- og skemmtanahald.

Undir þennan kafla fellur allt tónleika- og skemmtanahald, annað en það sem upp er talið í I. og II. kafla.

- A. Af aðgangseyri (að meðtöldum sköttum og opinberum gjöldum) að fjölleikasýningum og öðrum sambærilegum sýningum, þar sem tónlist er flutt, skal greiða, 1%, þó aldrei lægra gjald en kr. 1 000 fyrir hverja sýningu eða sýningardag.
- B. Af aðgangseyri (að meðtöldum sköttum og opinberum gjöldum) að öðrum viðburðum en falla undir flokk A, svo sem íþróttaviðburðum, listsýningum, vörusýningum og hlutaveltum, þar sem tónlist er flutt í bakgrunni eða einvörðungu í leikhléi, skal greiða, 0,25%, þó aldrei lægra gjald en kr. 250 fyrir hvern viðburð eða sýningardag, eftir því sem við á.
- C. Af aðgangseyri (að meðtöldum sköttum og opinberum gjöldum) að útihátíðum eða útisamkomum, þar sem tónlist er flutt ásamt öðru efni, skal greiða, 3%, þó aldrei lægri fjárhæð en þrjá fjórðu hluta af lágmarksfjárhæð samkvæmt flokki D.
- D. Af aðgangseyri (að meðtöldum sköttum og opinberum gjöldum) að einstökum dansleikjum, tónleikum, samkvæmum og öðrum samkomum, þar sem tónlist er flutt, skal greiða, 4%, þó aldrei lægri fjárhæð en sem hér segir:

Ef samkomugestir eru 100 eða færri	kr. 2 000
Ef samkomugestir eru 101–200	kr. 6 000
Ef samkomugestir eru 201–300	kr. 9 000
Ef samkomugestir eru 301 eða fleiri skal greiða fyrir hvert byrjað hundrad umfram 300.	kr. 2 750

E. Ef fnt er til dansleiks, tónleika, samkvæmis eða annarrar samkomu, þar sem tónlist er flutt, án þess að það sé gert í fjáröflunarskyni, skal aðeins greiða lágmarksfjárhæð samkvæmt flokki D.

Leigi veitinga- eða samkomuhús, hvort sem það er með fastan rekstur eða ekki, félögum eða einstaklingum salarkynni sín til samkomuhalds skal sá aðili, sem samkomuna heldur, greiða STEFi sérstaklega samkvæmt þessum kafla, en veitinga- eða samkomuhúsið ber þó ábyrgð á að gjöldin séu greidd.

IV. Önnur starfsemi.

Undir þennan kafla fellur önnur starfsemi en sú, sem talin er upp í I.–III. kafla.

A. Sé tónlist flutt í verslunum skal greiða fyrir það sem hér segir:

Verslanir, 50 fm. að stærð eða minni, árlega	kr. 4 000
Verslanir, 51–100 fm., árlega	kr. 8 000
Verslanir, 101–200 fm., árlega	kr. 10 500
Verslanir, 201–300 fm., árlega	kr. 13 000
Verslanir, 101–200 fm., árlega	kr. 10 500
Verslanir, 201–300 fm., árlega	kr. 13 500
Verslanir, 301–400 fm., árlega	kr. 15 500
Verslanir, 401–600 fm., árlega	kr. 18 000
Verslanir, 601–800 fm., árlega	kr. 20 500
Verslanir, 801–1000 fm., árlega	kr. 23 000
Síðan hækkar gjaldið um kr. 3 000 fyrir hverja 500 fm þar yfir.	

B. Sé tónlist flutt í heilsuræktarstöðvum, ljósbaðstofum, hárgreiðslustofum, rakarastofum, biðstofum og öðrum sambærilegum stöðum skal greiða fyrir það sama gjald og samkvæmt flokki A.

C. Sé tónlist flutt á vinnustöðum, þar sem starfa tíu starfsmenn eða fleiri, skal greiða fyrir það sem hér segir:

Fyrirtæki með 10–50 starfsmenn, árlega	kr. 5 000
Fyrirtæki með 51–100 starfsmenn, árlega	kr. 10 000
Fyrirtæki með 101–200 starfsmenn, árlega	kr. 15 000
Fyrirtæki með 200 starfsmenn eða fleiri, árlega	kr. 20 000

D. Sé tónlist flutt í langferðabifreiðum eða öðrum sambærilegum bifreiðum, sem taka 10 farþega eða fleiri, skal greiða árlega kr. 6 000 fyrir hverja bifreið.

E. Sé tónlist flutt um borð í farþegaskipum eða ferjum skal greiða árlega kr. 6 000–18 000 fyrir hvert skip, miðað við stærð og eðli tónflutnings, auk gjalds fyrir veitingastaði samkvæmt I. kafla ef þeir eru starfræktir um borð.

F. Sé tónlist flutt um borð í flugvélum skal greiða árlega kr. 12 000–36 000 fyrir hverja flugvél, miðað við stærð og eðli tónflutnings.

Sé tónlist flutt í almennu rými, t.d. í verslunarmiðstöðvum, skal greiða fyrir það sama gjald og samkvæmt flokki A, en að auki skal greitt gjald fyrir hverja verslun, sem þar er starfrækt, samkvæmt þeim flokki. Séu veitingastaðir starfræktir í verslunarmiðstöðvum eða á sambærilegum stöðum, þar sem tónlist er flutt, skulu þeir greiða sérstakt gjald samkvæmt I. kafla, óháð því almenna gjaldi sem innt er af hendi fyrir flutning á tónlist í hinu almenna rými.

V. Almenn ákvæði.

STEFi er heimilt að semja við einstaka aðila um gjalddöku í sérstöku tilvikum, m.a. í þeim tilvikum sem ekki eru tilgreind í gjaldskrá þessari.

Einstökum tónskáldum eða öðrum rétt höfum er heimilt að leggja bann við flutningi á verkum sínum enda tilkynni STEF það hverju sinni þeim sem ábyrgð ber á flutningi tónlistar.

Gjöld, sem greiðast skulu árlega, falla í gjalddaga 15. apríl ár hvert. Gjöld, sem greiðast skulu ársfjórðungslega, falla í gjalddaga 15. fyrsta mánaðar eftir lok ársfjórðungs, þ.e. 15. janúar, 15. apríl, 15. júlí og 15. október. Annars falla gjöld samkvæmt gjaldskrá þessari í gjalddaga 10. hvers mánaðar, eftir á, ef staðgreiðslu verður ekki við komið. STEFi er heimilt að semja við einstaka aðila um aðra tilhögun á greiðslu gjaldanna.

Gjöld samkvæmt gjaldskrá þessari miðast við verðlag í janúarmánuði 1993 og skulu breytast miðar við breytingar á lánskjaravísitölu, þó því aðeins að breytingar frá lánskjaravísitölu fyrir janúarmánuð 1993 verði 1% eða umfram það.

Með vísan til 4. mgr. 23. gr. höfundalaga nr. 73/1972, sbr. 6. gr. laga nr. 57/1992 staðfestist ofangreind gjaldskrá hér með.

Menntamálaráðuneytið, 5. janúar 1993.

Ólafur G. Einarsson.

Knútur Hallsson.

GJALDSKRÁ

fyrir hundahald í Reykjavík á árinu 1993.

1. gr.

Árgjald vegna hundahalds, sbr. staflíð c. í 2. gr. samþykktar nr. 305/1989, um hundahald í lögsagnarumdæmi Reykjavíkur, skal vera kr. 8 800 á árinu 1993.

Gjaldið greiðist fyrirfram og óskipt fyrir allt tímabilið þó eigi síðar en á eindaga, sem er 1. mars 1993.

Dráttarvextir reiknast frá gjalddaga verði gjaldið eigi greitt í síðasta lagi á eindaga.

2. gr.

Handsömunargjald skv. 6. gr. samþykktar nr. 305/1989 skal vera kr. 6 500.

3. gr.

Ofangreind gjaldskrá borgarstjórnar Reykjavíkur staðfestist hér með skv. 22. gr. laga nr. 81/1988, um hollustuhætti og heilbrigðisefirlit með ofangreindum gildistíma.

Heilbrigðis- og tryggingamálaráðuneytið, 3. febrúar 1993.

Sighvatur Björgvinsson.

Páll Sigurðsson.